

# **LUTRIJA BOSNE I HERCEGOVINE d.o.o. Sarajevo**

## **NADZORNI ODBOR**

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 30.08.2016. godine, donio je

### **P R A V I L A**

#### **novčane srećke “4 godišnja doba”**

#### **1. OPŠTE ODREDBE**

##### **Član 1.**

Ovim se Pravilima propisuju uslovi za priređivanje novčane srećke “4 godišnja doba” (u daljem tekstu: srećka).

##### **Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “4 godišnja doba”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

#### **2. NAZIV I VRIJEME TRAJANJA IGRE**

##### **Član 3.**

Novčana srećka „4 godišnja doba“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

##### **Član 4.**

Rok prodaje srećke otisnut je na srećki.

Rok prodaje srećke može se produžiti odlukom direktora Priređivača, a za isti broj dana produžava se i krajnji rok za naplatu dobitaka.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).

Srećka glasi na donosioca.

### **4. PODRUČJE PRIREĐIVANJA IGRE**

#### **Član 6.**

Srećka se priređuje na području Federacije Bosne i Hercegovini i Brčko Distrikta BiH.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 1,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

## 7. VISINA FONDA I VRSTE DOBITAKA

### Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 68,89% od ukupne emisije vrijednosti srećke umanjene za iznos naknade za priređivanje srećki ili 62% od ukupne emisije vrijednosti.

Novčana vrijednosti fonda dobitaka iznosi 620.000,00 KM i dijeli se na 305.150 dobitaka.

Fond dobitaka serije se raspoređuje po slijedećem planu:

<b>Komada</b>	<b>Dobitci</b>	<b>Iznos</b>
50 x	1.000 KM	50.000 KM
100 x	500 KM	50.000 KM
500 x	100 KM	50.000 KM
2.000 x	50 KM	100.000 KM
2.500 x	10 KM	25.000 KM
5.000 x	5 KM	25.000 KM
25.000 x	2 KM	50.000 KM
270.000 x	1 KM	270.000 KM
<b>305.150</b>		<b>620.000 KM</b>

## 8. OPIS SREĆKE

### Član 10.

Srećka je pravougaonog oblika, a štampana je u 4 (četiri) varijacije.

Prednja strana srećke sadrži:

- Ispis jednog od godišnjih doba (Proljeće, Ljeto, Jesen ili Zima);
- Logo Lutrije Bosne i Hercegovine;
- Cijena srećke;
- Tri (3) polja prekrivena sivom scratch-off emulzijom označenom sa natpisom "OGREBI" ispod kojih su ispisani novčani iznosi;
- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.

Poleđina srećke sadrži:

- Naziv srećke „4 godišnja doba“;
- Logo Lutrije Bosne i Hercegovine;
- Logo WLA - Certified Responsible Gaming Framework;
- Logo ISO 27001 - TUV NORD;
- NOVČANI DOBITAK: Ukoliko se nakon skidanja emulzije sa sva tri polja za grebanje otkriju tri ista novčana iznosa ostvaruje se novčani dobitak;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- EMISIJA 1.000.000 SREĆAKA;
- EMISIONA VRIJEDNOST 1.000.000,00 KM;
- FOND DOBITAKA: 620.000,00 KM;
- PLAN DOBITAKA;
- PRIREĐIVAČ: Lutrija BiH d.o.o. ul. Mehmeda Spahe 11., 71000 Sarajevo;
- Datum prodaje do otisnut na srećki;
- Podaci o dobitniku: Ime i prezime, adresa, JMB.

## 9. UTVRĐIVANJE DOBITAKA

### Član 11.

Igrač utvrđuje dobitak skidanjem emulzije sa oznakom „OGREBI“ sa sva tri polja predviđena za grebanje na prednjoj strani srećke. Ukoliko se nakon skidanja emulzije sa sva tri polja predviđenih za grebanje otkriju tri ista novčana iznosa ostvaruje se novčani dobitak.

Igrač u igri nije dužan uzeti srećku na kojoj su vidljivi znaci oštećenja.

## 10. NAČIN I ROK ISPLATE NOVČANIH DOBITAKA

### Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

#### **Član 14.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

#### **Član 15.**

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

#### **Član 16.**

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

### **11. NAČIN UPOZNAVANJA UČESNIKA U IGRI S OVIM PRAVILIMA**

#### **Član 17.**

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

### **12. PRELAZNE I ZAVRŠNE ODREDBE**

#### **Član 18.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

#### **Član 19.**

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-6-1747-2/16.  
Dana: 30.08.2016. godine

**P R E D S J E D N I K**  
**Miroslav Čorić, s.r.**

